

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Rudolphi Goclenii Exercitationes et disputationes ethicae & politicae

Goclenius, Rudolph

Marpurgi Cattorum, 1601

LIII. An aliquando verum fuerit: homini natura virtutem inesse?

[urn:nbn:de:bsz:31-109121](https://nbn-resolving.org/urn:nbn:de:bsz:31-109121)

litici ratiocinationē cadere possit. Plato propius videtur accedere ad sententiam sacrarum literarum. Hæ enim Deum faciunt potissimam & præcipuam virtutum causam. Jacob. 2. 17. Omnis donatio bona, & omne perfectum donum è supernis descendit à patre luminum. Dico præcipuam: Quia homines non sunt hîc subjecta habentia se purè passivè, sed sunt *σύεργα* seu causæ cooperatrices.

LIIII.

*An aliquando verum fuerit: Homini natura
virtutem inesse?*

Affirmatur.

VIRTUTES aliquo modo proficisci è stipenaturæ: studio verò absolvi & augeri, si Deus annuat, dictum modò est ex Aristotele & Platone: Ut virtus quidem sit naturalis, quoad radicē, inchoationem, adumbrationem, semina, igniculos & propensionem ad decus & honestatem. Non verò naturalis, quoad solidam expressionem & perfectionem. Hæc autem assertio in natura, ut nunc est, id est, corrupta & vitiata per primum lapsum, locum habet. Uitatio nunc cursu naturæ non nascimur, sed simus boni seu *καλοκαγαδοί*: At in statu innocentie ac integritatis naturà virtus homini inerat. Homo Adamus ut à Deo creatus est, ita creatus est, ut virtutibus

Y 5 bus

bus instructus, non nudus ab his fuerit. Hæ igitur virtutes fuerunt ornamentum, & bonum φυσικόν, quia à natura naturante, (quam vocant,) infula ἔξω, non δαίμωνιον, id est, non studio acquisitum, non frequenti actione accitum. Sic ante lapsum generis humani inferiores animi vires non pugnarunt cum superiore facultate. Dedit enim Deus homini ab initio inferiores animi vires partève moderatas, & rationi obsequentes. Ex lapsu postea exortum est dissidium seu bellum inter affectum, & rationem, quo fit, ut non nunquam libidinum æstu abripiamur, illecti voluptatum blanditiis, à rationis præscripto deflectamus, nec ὁρδὴν τῶν καυῶν perpetuò teneamus: quod ut ἰδὲ παρέργον adijcere huc libuit. Respondeo igitur eò, unde paululum videor digressus. Virtutes, objiciat quispiam, Adami ante lapsam sunt bonum morale. Non igitur naturale. Respondeo: hæc Naturale non opponi morali: Sed hæc distingui tantum ratione. Morale bonum est Adamo naturale, quia non comparavit virtutem crebris actionibus. Ac quidem, ut dixi, virtus ei ita naturalis est, ut & cœlestis & delibata divinitus rectè dicatur, quia θεοδότης est: id est, à Deo ipso in animo Adami facta est, ideoque aliunde hausta acceptaque.

Object.

Resp.